

ট্রাস্টি বোর্ডের সম্মানিত সদস্যগণ

ট্রাস্টি বোর্ড গঠন – (১) ধারা ৫৩ তে উল্লেখিত আর্থিক সহায়তা তহবিল পরিচালনার উদ্দেশ্যে সরকার একজন চেয়ারম্যানসহ নিম্নবর্ণিত সদস্য সমন্বয়ে একটি ট্রাস্টি বোর্ড গঠন করিবে, যথা-

- (ক) কর্তৃপক্ষের চেয়ারম্যান
- (খ) সড়ক ও মহাসড়ক বিভাগের অনূন যুগ্ম সচিব পদমর্যাদার একজন প্রতিনিধি;
- (গ) জননিরাপত্তা বিভাগের অনূন যুগ্ম সচিব পদমর্যাদার একজন প্রতিনিধি;
- (ঘ) লেজিস্টেটিভ ও সংসদ বিভাগের অনূন যুগ্ম সচিব পদমর্যাদার একজন প্রতিনিধি;
- (ঙ) স্থানীয় সরকার বিভাগের অনূন যুগ্ম সচিব পদমর্যাদার একজন প্রতিনিধি;
- (চ) সড়ক ও জনপথ অধিদপ্তর কর্তৃক মনোনীত অনূন তত্ত্বাবধায়ক প্রকৌশলী পদমর্যাদার একজন প্রতিনিধি;
- (ছ) হাইওয়ে পুলিশের ডিআইজি;
- (জ) জাতীয় ভোক্তা অধিদপ্তর কর্তৃক মনোনীত অনূন পরিচালক পদমর্যাদার একজন প্রতিনিধি;
- (ঝ) সরকার কর্তৃক মনোনীত সড়ক পরিবহন মালিক সমিতির একজন প্রতিনিধি;
- (ঞ) সরকার কর্তৃক মনোনীত একজন বিশিষ্ট ব্যক্তি;
- (ঠ) সরকার কর্তৃক নিয়োজিত ট্রাস্টি বোর্ডের সচিব;

(২) সরকার, প্রয়োজনে যে কোন ব্যক্তি বা প্রতিষ্ঠানের প্রতিনিধিকে ট্রাস্টি বোর্ডের সদস্য হিসাবে কো-অপ্ট করিতে পারিবে।

(৩) সরকার কর্তৃপক্ষের চেয়ারম্যান বা অন্য কোন সরকারি কর্মচারীকে ট্রাস্টি বোর্ডের চেয়ারম্যান নিযুক্ত করিতে পারিবে।

(৪) ট্রাস্টি বোর্ড একটি স্ব-শাসিত সংস্থা হইবে এবং ইহার স্থায়ী ধারাবাহিকতা ও একটি সাধারণ সিলমোহর থাকিবে এবং ইহার স্থাবর ও অস্থাবর সম্পত্তি অর্জন করিবার, অধিকারে রাখিবার ও হস্তান্তর করিবার ক্ষমতা থাকিবে এবং ইহা স্বীয় নামে মামলা দায়ের করিতে পারিবে এবং উক্ত নামে ইহার বিরুদ্ধেও মামলা দায়ের করা যাইবে।